

錢塘縣志卷之十七

錢塘縣知縣南樂魏頌纂

吳越世家

吳越之列世家昉自五代史而陳善郡志特冠諸列傳之上良以建邦啓土若晉楚齊趙諸國不當概之傳列固遷史定例矧武肅手提三尺保障東南傳世五王守國百年不失忠順昔人稱其有功朝廷有德民生誠非虛也且邑以錢名自古爲昭可勿特爲表異乎志吳越世家

錢塘縣誌

卷之十七

吳越世家

五代

吳越王錢鏐字具美杭州臨安人也幼時與羣兒戲大木下指揮爲隊伍頗有法及壯以販鹽爲業縣錄事鍾起有子數人與鏐飲博起嘗禁其諸子諸子多竊從之遊豫章術者工天官占斗牛間有王氣斗牛者錢塘分也因游錢塘占之在臨安乃之臨安以相法隱市中陰求其人起與豫章人善私謂起曰占君邑有貴人求之市中不可得視君之相貴矣然不足當之起乃爲置酒悉召縣中賢豪爲會陰令術者徧視

之皆不足當一日術者過起家鏐適從外來見起反走術者望見大驚曰此真貴人也起笑曰此吾妻舍錢生耳術者召鏐至熟視之顧起曰君之貴者因此人也乃慰鏐曰子骨法非常願自愛因與起決去起始縱諸子與鏐遊時時周其匱乏鏐善射與槩驍勇絕倫略通圖緯諸書邑中山有石徑二尺七寸其光如鏡鏐照形作冕旒狀甚秘之唐乾符二年浙西裨將王郢作亂石鑑鎮將董昌募鄉兵討賊表鏐偏將時年二十四擊郢破之是時黃巢衆已數千攻掠浙

錢塘縣誌

卷之十七

吳越世家

二

東至臨安鏐謂昌曰今鎮兵甚少難以力禦宜出奇兵邀之乃與勁卒二十人伏山谷中巢先鋒度險皆單騎鏐伏弩射殺其將巢兵亂鏐以勁卒蹂之斬首數百級鏐曰此可一用耳若大衆至何可敵耶乃引兵趨八百里八百里地名也告道旁媪曰後有問者告曰臨安兵屯八百里矣巢衆至聞媪語不測其地名皆曰向十餘卒不可敵况八百里乎遂急引兵過都統高駢聞巢不敢犯臨安壯之召昌與鏐俱至廣陵久之駢無討賊意昌等不見用辭還駢表昌杭州

刺史

按事記謂周寶表昌為杭州刺史與此不同
彼斷據唐史而此用五代史故耳後凡不令

紀者皆
做此

是時天下已亂昌乃團諸縣兵為八都以鏐

為都指揮使中和二年越州觀察使劉漢宏與昌有
隙遣弟漢宥都虞侯辛約屯兵西陵鏐率八都兵渡
江竊敵軍號斫其營營中驚擾因焚之漢宥等皆走
漢宥復遴將黃珪何肅屯諸暨蕭山鏐盡攻破之殺
何肅辛約漢宏易服持贈刀以遁追者及之漢宏曰
我宰夫耳舉刀示之乃免四年僖宗遣中使焦居璠
為杭越通和使召昌及漢宏罷兵漢宏不奉詔遣將

錢塘縣誌

卷之十七

吳越世家

三

朱褒韓公攻施堅實等以舟兵屯望海鏐出平水命
成及夜率奇兵破褒等於曹娥埭進屯豐山施堅實
等降遂破越州漢宏走台州台州刺史執漢宏送鏐
斬之鏐乃奏昌代漢宏而自居杭州光啟三年拜鏐
左衛大將軍杭州刺史昌越州觀察使是歲淮南高
駢為其下畢師鐸所囚淮南大亂六合鎮將徐約攻
蘓州潤州牙將逐其帥周寶寶奔常州浩推度支推
勘官薛朗為帥鏐遣都將成及杜稜等攻常州取周
寶以歸鏐具軍禮郊迎館寶于樟亭寶病卒

此與事
紀云殺

寶者稜等進攻潤州逐劉浩執薛朗剖其心以祭寶
不同此與事紀剖劉浩然後遣其弟錄攻徐約約敗走入
心祭寶者不同

海追及之昭宗拜鏐杭州防禦使是時楊行密孫儒
爭淮南與鏐戰蘓常間久之儒爲行密所殺行密據
淮南取潤州而鏐亦取蘓常唐升越州爲威勝軍以
董昌爲節度使隴西郡王杭州爲武勝軍拜鏐都團
練使以成及爲副乃以杜稜阮結顧全武等爲將校
以沈崧皮光業林鼎羅隱爲賓客鏐率十三都兵洎
役徒二十餘萬衆新築羅城自秦望山由夾城東亘

錢塘縣誌

卷之十七

吳越世家

四

江干薄錢塘湖霍山范浦七十里景福二年拜鏐鎮
海軍節度使潤州刺史乾寧元年加同中書門下平
章事二年越州董昌反昌素愚妖人應智王媪巫薛
媪等以妖言惑昌獻鳥獸爲符瑞迺福民間多圖其
形禱祠之視王書名與圖類因出圖以示昌昌大悅
乃自稱皇帝國號羅平改元順天分其軍爲兩軍中
軍衣黃外軍衣白銘其衣曰歸我乃以書告鏐鏐以
昌反狀聞昭宗下詔削昌官爵封鏐彭城郡王浙江
東道招討使鏐曰董氏與吾有恩不可遽伐乃以兵

三萬屯迎恩門遣其客沈滂諭昌使改過昌愚不能
決以錢二百萬遣使犒軍執應智等送軍中自請代
罪鏐還兵尋復拒命遣其將陳郁崔溫等屯香嚴石
候乞兵於楊行密遣兵爲援鏐遣顧全武攻昌斬崔
溫昌所用諸將皆不知兵遇全武輒敗昌兄子真有
勇略全武等攻之逾年不能克真與裨將刺羽有隙
羽譖之昌殺真兵乃敗全武執昌歸杭州行至西小
江昌曰吾與錢公俱起鄉里吾嘗爲大將今何面目
復見之乎左右相對泣下因瞋目大呼投水死昭宗

錢塘縣誌

卷之十七

吳越世家

五

乃改威勝軍爲鎮東軍拜鏐鎮海鎮東軍節度使加
檢校太尉中書令賜錢券恕九死鏐如越州受命還
治錢塘號越州爲東府光化元年移鎮海軍于杭州
加鏐檢校太師改鏐鄉里曰廣義鄉勲貴里鏐素所
居營曰衣錦營昭宗詔圖鏐形凌烟閣升衣錦營爲
衣錦城石鑑山曰衣錦山大官山曰功臣山鏐游衣
錦城宴故老山林皆覆以錦號其幼時所戲大木曰
衣錦將軍天復二年封鏐越王鏐巡衣錦城右都指
揮使徐綰與左都指揮使許再思叛焚掠城郭攻內

城鏐子傅瑛及其將馬綽陳爲等閉門拒之鏐歸微服踰城而入遣馬綽王榮杜建徽等分屯諸門使顧全武備兵東府全武曰東府不足慮可慮者淮南耳縮急必召淮兵淮兵至患不細矣楊公大丈夫今以難告必能閔我鏐以爲然全武曰獨行事必不濟請擇諸公子可行者鏐曰吾嘗欲以元璪壻楊氏乃使隨全武如廣陵縮果召田頽于宣州全武等至廣陵行密以女妻元璪聞縮召頽乃急召頽還頽取鏐錢百萬質鏐子元瓘而歸天祐元年封鏐吳王鏐建功

錢塘縣誌

卷之十七

吳越世家

六

臣堂立碑紀功列賓佐將校名氏於陰者五百人四年陞錦衣城爲安國衣錦軍梁太祖卽位封鏐吳越王兼淮南節度使梁主嘗問吳越進奏吏曰錢鏐平生有所好乎吏曰好玉帶名馬梁主曰真英雄也以玉帶一匣打毬御馬十匹賜之開平二年加鏐守中書令改臨安縣爲安國縣廣義鄉爲衣錦鄉三年加守太保楊渥將周本陳章圍蘓州鏐遣弟鋸鏢救之淮兵爲水柵環城以銅鈴繫網沈水中斷潛行者水軍卒司馬福多智而善水行乃先以巨竹觸繫網淮

人聞鈴聲遂舉緦福乃入城中其出也亦然乃取其
軍內外夾攻號令相應淮人以為神遂大敗之本等
走擒其將閻丘直何明等四年鏐遊衣錦軍作還鄉
歌曰三節還鄉掛錦衣父老遠來明追隨斗牛無
人無欺吳越一王駟馬歸乾化元年加鏐守尚書令
兼淮南宣潤等道四面行營都統立生祠于衣錦營
二年梁郢王友珪立冊尊鏐尚父末帝貞明三年加
鏐天下兵馬都元帥開府置官屬四年楊隆演取虔
州始由海道入貢京師龍德元年賜鏐詔書不名唐

莊宗入洛鏐遣使貢獻乃賜鏐玉冊金印鏐因以鎮
海等軍節度使授其元瓘自稱吳越國王起玉冊金
券詔書三樓于衣錦軍遣使冊新羅渤海王海申諸
國皆封拜其君長明宗即位安重誨用事鏐致書詞
嫚重誨是時供奉官烏昭遇韓攻使吳越既還攻誣
昭遇稱臣舞蹈重誨乃奏削鏐王爵元帥尚父以太
師致仕元瓘等遣人以絹表間道自陳重誨死乃復
鏐官爵王素節儉寢帳敝恭穆夫人欲易以青繒不
許少在軍中夜未嘗寐倦極則就圓木小枕或枕大

鈴寐輒欬而卧名曰警枕又時彈銅丸於樓墻外以警直更其勤如此暇則命子孫賦詩或製詩賜丞相將吏間學書畫不廢正務每春秋享祀先王嗚咽流涕董昌叛嘗遺書口與其閉門作天子何如開門作節度使終符其言長興三年鏐卒年八十一謚武肅子元瓘立

元瓘字明寶鏐仲子少爲質於田頔頔叛於吳楊行密會越兵攻之頔每戰敗歸卽欲殺元瓘頔母常蔽護之後頔將出語左右曰今日不勝必斬錢郎是日頔

錢塘縣誌

卷之十七

吳越世家

八

戰死元瓘得歸屬鏐病召諸將告之曰吾子皆愚懦不足任後事吾死公等自擇之諸將泣下皆曰元瓘從王征伐最有功諸子具及請立之鏐乃盡出管鑰召元瓘語之曰諸將許爾矣宜善守之又曰子孫善事中國勿以易姓廢事大之禮鏐卒遂襲封吳越國王玉冊金印皆如鏐故事嘗遣將攻王延政于建州元瓘亦善撫將士好儒學善爲詩使其國相沈崧置擇能院選吳中文士錄用之然性奢侈好治宮室天福六年杭州火燒其宮室殆盡元瓘大懼因病卒年

五十五謚文穆子弘佐立

弘佐字祐玄立時年十三諸將皆少弘佐弘佐初遇各之諸將少不法弘佐乃黜其大將章德安於明州李交慶於睦州殺內都監杜昭達統軍使闕璠由是國中皆畏恐王延義延政兄弟相攻卓儀明朱文進李仁達等自相讐殺連兵不解者數年仁達附于李景已而又叛景兵攻之仁達求救于弘佐召諸將計事諸將皆不欲行弘佐奮然曰吾爲元帥而不能舉兵耶諸將皆吾家素蓄養獨不肯以身先我乎有異議

者斬乃遣其統軍使張筠趙承泰等率兵二萬水陸赴之遣將誓軍號令齊整筠等大敗景兵俘馘萬計獲其部將楊臺蔡遇等遂取福州而歸由是諸將皆服弘佐立七年襲封吳越國王玉冊金印皆如元瓘開運二年弘佐卒年二十謚忠獻弟弘侖以次立

弘侖字慶道起家內衙指揮使檢校司空出爲東府安撫使累授檢校太尉尋拜丞相開運四年夏六月卽位于天冊堂是月晉主入大梁改號曰漢秋七月閩帥李儒贇來歸弘侖命復任無諸親餞于碧波亭秋

八月葬弘佐於西原冬十二月儒贇復貳于我弘侗
命東南面安撫使鮑修讓等攻討擒而戮之己酉傳
首國城庚戌內衙統軍使胡進思指揮使諸溫計洎
等以內衙兵遷弘侗於義和後院諸將校迎弘俶卽
位焉自弘佐時諸將校驕慢雖旋加誅殛而在位者
皆優饒遇之及弘侗繼嗣性既嚴急誅杭越侮法吏
三人而統軍使胡進思恃迎立功干預政事侗惡之
每僭越必顯責讓進思頗憂懼不自安屬內衙指揮
使何承訓希旨請誅之又謀於都監使木丘昭券昭

券以進思黨盛難制且容之弘侗猶豫未決承訓懼
反以謀告進思進思遂亂率親兵戎服入見弘侗叱
之不退猝愕入義和院進思鎖其門矯稱弘侗命告
中外曰王粹得風疾傳位於弟因率諸將迎弘俶於
私第且言於丞相元德昭德昭至立於簾下不拜曰
俟見新主進思等急出褰簾德昭乃拜進思稱弘侗
命承制授弘俶曰若全吾兄乃敢承命不然當
避賢路進思承之弘俶始視事後弘侗遷居于越年
四十四卒謚忠遜弟弘俶立

弘俶字文德當晉開運中爲台州刺史有僧德韶語弘俶曰此地非君爲治之所當速歸不然不利弘俶從其言卽求歸國未幾進思廢弘俶迎弘俶立之弘俶歷漢周襲封吳越國王賜玉冊金印世宗征淮南令弘俶以所部分路進討弘俶遣偏將吳程圍毗陵陷關城擒刺史趙仁澤路彥銖圍宣城會李景上表求割地內附詔弘俶班師顯德五年杭州災府舍悉燼將延及倉庾弘俶命酒祝曰食爲民天若盡焚之民命安仰火遂止世宗聞之遣使卹問是歲淮南內屬

錢塘縣誌

卷之十七

吳越世家

十一

遣翰林學士陶穀司天監趙修已使弘俶賜羊馬橐駝自是以爲常七月又遣閣門使曹彬賜兵馬旗幟宋建隆元年授天下兵馬大元帥弘俶舅寧國軍節度使吳延福有異圖左右勸弘俶誅之弘俶曰先大人同氣安忍寘于法言訖嗚咽流涕但黜之于外終全母族自宋太祖受命弘俶貢奉有加常數乾德元年遣其子惟濬入貢改賜功臣號開寶五年遣幕吏黃夷簡入貢上謂之曰汝歸語元帥常訓練兵甲江南強倔不朝我將討之當助我毋惑人言特命有司

造大第於薰風門外偉甚因召進奉使錢文贊語之
曰朕數年前令陶穀草詔比來城南建離宮名禮賢
宅待李煜及汝主先來朝者賜之詔以草示文贊令
諭旨於弘俶七年討江南遣內客省使丁德裕齎詔
以弘俶爲昇州東面招撫制置使賜戰馬旌旗劍甲
令德裕以禁兵步騎千人爲弘俶前鋒蓋護其軍李
煜貽書於弘俶曰今日無我明日豈有君一旦明天
子易地酬勲王亦大梁一布衣耳弘俶不答以書來
上八年弘俶率兵拔常州加守太師詔弘俶歸朝弘

俶遣大將沈承禮等卒兵水陸從王師平潤州遂進
討金陵上嘗召進奏使任知果令諭旨於弘俶曰元
帥克毘陵有大功候平江南可暫來與朕相見以慰
延想之意不久留也朕三執圭幣以見上帝豈食言
乎江南平論功加弘俶守太師拜弘俶大將沈承禮
孫承祐竝爲節度使九年弘俶與其妻孫氏子惟濬
平江軍節度使孫承祐入朝上遣皇子德昭至睢陽
迎勞弘俶將至車駕先幸禮賢宅按視供帳之具及
至詔弘俶居之對於崇德殿貢賜俱厚詔將賜綈履

上殿書詔不名令惟濬齋詔賜弘俶妻孫氏
國王妃宰相以爲異姓諸侯王妻無封妃之與太祖
曰行自我朝表異數也弘俶獻謝太祖數詔弘俶與
其子惟濬宴苑中惟諸王預坐每宣諭弘俶弘俶拜
謝多令內侍掖起弘俶感泣又嘗一日召宴獨太宗
秦王侍坐酒酣太祖令弘俶與太宗秦王叙昆弟禮
弘俶伏地叩頭涕泣固讓乃止車駕幸西京零祀弘
俶懇請扈從不許留惟濬侍祠令弘俶歸國太祖宴
餞於講武殿謂弘俶曰南北風土異宜且漸及大暑

錢塘縣誌

卷之十七

吳越世家

十三

卿可早發弘俶涕泣言願三歲一朝太祖曰川途迂
遠當俟詔旨卽來覲也弘俶將發京師特賜導從儀
衛自禮賢宅陳列至迎春苑自初至逮歸所賜金帛
他物不可勝計弘俶旣歸嘗視事功臣堂一日命坐
於東偏曰西北神京在焉天威不遠顏咫尺弘俶敢
寧居乎太宗卽位加食邑五千戶弘俶貢極盛又請
歲增常貢詔不許太平興國二年孫氏卒遣使弔祭
上言乞賜詔書呼名不許三年入朝遣使至泗州迎
勞惟濬先在闕下上遣至睢陽俟弘俶弘俶先

承祐入奏事上卽遣護諸司供帳勞弘倣於郊又命齊王廷美宴弘倣於迎春苑弘倣三對於崇德殿賜衣帶金玉銀帛鞍馬錢物賔佐以下有差卽日宴長春殿命劉銀李煜預坐弘倣貢獻有加上又嘗詔弘倣及子惟濟宴後苑泛舟池中上手酌酒以賜弘倣弘倣跪飲之其恩遇如此會陳洪進納土弘倣上言乞罷所封吳越國王及天下兵馬大元帥職名凡頒詔命願復呼名優詔不許復再表願以所管十三州獻於闕下詔受之命以淮南節度管內封弘倣爲淮

錢塘縣誌

卷之十七

吳越世家

古

海國王仍改賜寧淮鎮海崇文耀武宣德守道功臣卽以禮賢宅賜之惟濬爲節度使兼侍中惟治爲節度使惟演爲團練使惟願暨姪郁昱竝爲刺史弟儀信竝爲觀察使將校孫承祐沈承禮竝爲節度使禮貌隆盛冠絕一時仍令兩浙發弘倣總以上親及管內官吏悉歸朝凡舟一千四十四艘所過以兵護送四年宴苑中弘倣被病拜不能起上命以銀裝肩輿送歸因以賜之後從征太原賜羊三百酒十斛弘倣小心謹恪每晨趨行闕人未有至者弘倣必先至假

寐待旦上知之謂曰卿已中年宜避風露自今入謁
不須太早也特撤御前二大燭賜之令先赴前頓首
年劉繼元降上御連城臺誅軍中先亡命太原者顧
謂弘俶曰卿能保全一方以歸於我不致血刃彌可
嘉也弘俶頓首謝還京策勲宰相進擬加食邑萬戶
實封千戶上卽改白麻倍加食邑二萬戶實封二千
戶連歲賞賜無算八月請罷元帥國王尙書中書太
師開府諸職各不許表三上詔惟罷天下兵馬大元
帥餘如故雍熙元年改封漢南國王四年出爲武勝

軍節度使改封南陽國王將發賜玉帶金唾壺碗盃
等弘俶四上表讓國王封封許王端拱二年春徙封
鄧王會朝廷遣使賜生辰器幣與使者宴飲至暮有
大流星墮正寢前光燭一庭是夕卒年六十俶以大
成四年八月二十四日生至是八月二十四日卒復
與元瓘卒日同人皆異之上爲廢朝七日追封秦國
王謚忠懿仍正衙備禮發冊命中使護喪歸葬洛陽
自鏐至俶世有吳越之地僅百年管內諸將皆子弟
將校授任而後請命於朝有至使相者弘俶任太師

尙書令兼中書令四十年爲元帥三十五年及歸朝
卒子惟演惟濟皆童年召見慰勞竝起家諸衛將軍
善始令終窮極富貴福履之盛近代無比惟演仕終
太師英國公追贈思王謚文僖演子暄封異國公暄
子景臻尙宋仁宗女秦魯國大長公主官至上柱國
駙馬都尉封會稽郡王南渡扈蹕賜第台州臨海有
四子忱愐愷愕忱愕皆主出忱封榮國公高宗朝賜
御書忠孝之家忱子端仁分于常熟端義分于龍泉
端禮官龍圖閣學士封祁國公女爲孝宗長子鄧王

錢塘縣誌

卷之十七

吳越世家

六

妃孫象祖歷官左丞相封魏國公世居台第後五世
孫應孫分于會稽愕封越國公愕子端英提舉淮南
英孫述祖亦家于越述祖子洗復尙宋太祖孫太師
越國公女洗子可壽爲宋省元子孫連姻帝胄歷官
顯要椒聊繁衍支分派別不可殫述

錢塘縣志卷之十七

錢塘縣知縣南樂魏嶸纂

戚晚

戚晚有志尚已然其人事功往往散見他傳今舉其畧附於世家用昭國典禮也志戚晚

二國

吳景 姊與孫堅為婚即吳夫人黃龍元年追尊為武烈皇后景隨堅征伐拜騎都尉領丹陽太守表為揚

武將軍詳武功子二奮新亭侯祺都亭侯

徐琨 從孫堅征伐堅子權聘其女為妃琨在孫策時封廣德侯平寇將軍從討黃祖中流矢卒

錢塘縣志

卷之十七

戚晚

一

全琮 尚孫權公主歷官右大司馬右軍師詳武功

五代

成瑋 成及子及從吳越王錢鏐同事攻討初為團練副使鏐以其女妻及子瑋後及歷彰義軍節度使檢

校太尉兼侍中尋事征伐瑋與有功

孫承祐 吳越王俶納其女為妃因擢要官累遷鎮海鎮東兩軍節度副使宋太平興國三年從俶上表

獻地詔徙承祐為泰寧軍節度使詳武功

宋

李用和 章懿皇太后弟也少居京師鑿紙錢為業太后求得之歷遷永清軍節度留後改定州歷彰信軍節度使同中書門下平章事景靈宮使詳名臣

李璋

用和長子以恩補三班借職積官為大平軍節度觀察留後知濟州復知鄆州詳前傳

李瑋

用和次子尚充國公王積官濮州團練使後至建武軍節度使檢校太師卒

李珣

用和季子以蔭為開門祇候累遷均州防禦使知相州賜御製詩發白字寵其行使契丹還更賜黃金及忠孝字熙寧中遷宣州觀察使知穎

州哲宗初進奉寧軍留後提舉萬壽觀

錢景臻

暄子尚仁宗女許國大長公主封康國公生忱忱生參政端禮端禮生太師管管生丞相象祖

錢忱

字伯誠吳越王叔五世孫父景臻尚仁宗第十女校少保瀘州節度使中太乙宮使賜御書忠孝之家

字紹興十五年除少保封榮國公遷少師奉贈太師

錢愕

字茂遠景臻次子臻有四子忱愕為主出累遷武當軍節度使開府儀同三司封越國公愕子端英

淮南東路提舉端英生制參策策生明州推官述祖述祖子洗復尚宋越國公士歷官翰林學士

錢塘縣誌

卷之十七

戚畹

二

錢端禮

忱子以父恩補官女為皇長子鄧王夫人和議成端禮以首參規相位殿中侍御史唐堯封論

端禮帝姻不可任執政不報鄧王立為太子端禮引嫌除資政殿大學士兼侍讀提舉洞霄宮卒贈銀青

光祿大夫謚忠肅

明

邵林

字懋清杭州前衛人生而魁梧侷儻有大志誕生孝惠太皇太后正德十六年贈錦衣衛指揮使嘉

靖初追封昌化伯

邵琮

林長子成化丙申上命中官取詣京指錦衣衛帶俸正千戶尋陞指揮使子華嗣適岐王之國為請

於朝乃命掌馴象所事次子英亦授試百戶

邵禧

林仲子歷陞錦衣衛指揮使嘉靖初襲昌化伯食祿千石與世券明年薨謚榮和子蕙嗣五年薨

無子族人爭嗣下廷臣議停封爵量與恩澤嘉
靖七年仍令其族人杰嗣八年革外戚封停嗣